

Oké Take Away

Nos Special pa
Diahuebs 15 Juni

- chicken breast den creamy
coconut sauce
- fillet di pisca
- Carni stoba

Pedido:
747-0505

S

Prijs
1.25

LO

Di Pueblo

BRIYANDO FUERTE • TRECIENDO CLARIDAD
Diahuebs 15 2023

GANA

1000

FLORIN CU



Confirmando e vision di Minister Glenbert Croes:

HULANDA Y ESPAÑA A FIRMA DIFERENTE ACUERDO RIBA TRANSICION ENERGETICO PA HIDROGENO

Recientemente Minister Glenbert Croes, den su meta di haci di Aruba e prome Hydrogen Valley den Caribe, a anuncia cu Acciona Energia di Spaña y Utilities, WEB, ELMAR y RDA ta yegando na un acuerdo pa cuminsa cu e proceso di negociacion pa por logra Aruba Hydrogen Valley.



Ki dia AVP ta cende bela pa e casonan di ladroncia y corrupcion den su gobierno?

Recientemente por mira un partido AVP a haci un accion di cende bela, bao di un motibo di engaño, unda nan kier culpa gobierno di a cera John Wesley College. Scol Protestant di Aruba a emiti un comunicado pa bisa cu AVP ta gaña pueblo, pasobra ta Scol Protestant a dicidi pa cera e scol y no tin nada di haber cu gobierno di Aruba. Ta tipico di AVP, cu ta inventa un mentira, y purba bende pueblo.

Notabel ta cu den gobierno di AVP tabatin hopi corrupcion, unda te hasta tin ministernan cera. Ningun dia nan a cende bela pa pidi pordon na Dios pe corrupcion cu nan a haci y cu nan a horta pueblo di Aruba malamente. Pues, e accion di cende bela ta na su lugar, pero no pa un smoesje, pero cende pe corrupcion den AVP y pa tur esnan cu a horta pueblo, debilbe pueblo e placa bek.



Diahuebs 15 di juni **SINTONISA 'PERIODISTA PA UN DIA'**

Via TeleAruba y riba
pagina di Facebook di
Gabinete Wever-Croes

Chauffeur a bay den panico; ora e ta haya un arma di candela den su auto



Periodistanan a crea tur sorto di speculacion riba e quebrante di salud di Parlamentario Setty Yarsagaray



GANA 1000 FLORIN CU SOLO DI PUEBLO PA "BACK 2 SCHOOL"

Premionan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



Parlamentario Marco Berlis (MEP):

Clarificacion riba e trayecto di e ley di BBO na frontera

Trayecto di e Ley di BBO na frontera ainda no ta cla. Ley no por wordo trata ainda



Mi por a nota recientemente un articulo den 24ora.com cu a declara den su articulo lo siguiente; "Por lo menos di e partido grandi den Parlamento, esta MEP, tin tres parlamentario cu no ta yegando trabao e dianan aki" y tambe e declaracion "MEP no ta completo: no tin quorum pa trata ley di BBO na frontera. Den e articulo aki mi nomber ta wordo menciona tambe. Mi ta kere cu 24ora.com a ekiboca su mes den tur dos declaracion y ta pesey mi articulo.

ACTUAL TRAYECTO DI E LEY DI BBO

Ora cu staff di 24ora.com bisa cu no tin quorum

pa trata e ley di BBO, e mester sa tambe cu loke e ta papiando ta eroneo, pasobra ta awor apenas parlamentarionan ta trahando riba nan preguntanan pa Minister contesta. Ultimo dia pa entrega e preguntanan entrega ta diahuebs awo 15 di Juni. Despues di esaki, Minister mester contesta e preguntanan y mandanan bek pa Parlamento. Ta despues cu minister contesta e preguntanan por pone fecha pa un reunion publico pa debati riba e Ley di BBO na frontera y niun dia prome. Kiermen, e flie y ponencia cu MEP no tin quorum y pesey no ta trata e ley di BBO



na frontera no ta subi. Te na ultimo ta menciona cu presidente Edgard Vrolijk mester a informa 24ora di e proceso aki. Lamentablemente toch ta opta pa skirbi un articulo largo yen di insinuacion sin base y sin contenido corecto, pa lanta negatividad contra fraccion di MEP.

P R E S E N T E NA REUNION DI COMISION TRATANDO E TEMA CU BBO NA FRONTERA

Ademas e ta importante pa remarca cu si mi tabata presente na pia di trabao e dianan aki. Mi a yega bek for di Hulanda, despues di a atende cu reunionan di IPKO, hunto

cu e crew di 24ora riba diahuebs 8 di juni. Por puntranan by the way. Pa diabierna y dialuna mi tabata presente manera custumber na e reunionan di comision di Finanzas hunto cu gremionan y tambe cu minister riba e tema di BBO na frontera. Den e reunionan aki mi por a sigui compara informacion y analisa feedback y preocupacionnan di gremionan. Normalmente un reunion di comision no ta tarda mucho mas cu 2 ora, sinembargo esun di dialuna cu Minister Xiomara Maduro y expertonan di DIMP y Douane a cuminsa 9am y a bay mas largo. Mi no por a keda den henter e reunion y mester a bay despues di

dos ora pasobra mi mester a biaha 1pm pa atende cu reunionan di trabao importante den exterior.

Mi compromiso cu pueblo ta total y como representante di pueblo mi ta haci mi maximo esfuerço pa semper bin dilanti cu informacion alcaso y veridico. Pueblo merece lo mehor! Conta cu mi pa informacion cu bo por confia riba dje.

Si pueblo desea mas informacion di e articulo aki, of kier un reunion cu mi, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

Confirmando e vision di Minister Glenbert Croes: Hulanda y Spaña a firma diferente acuerdo riba transicion energetico pa Hidrogeno

Recientemente Minister Glenbert Croes, den su meta di haci di Aruba e prome Hydrogen Valley den Caribe, a anuncia cu Acciona Energia di Spaña y Utilities, WEB, ELMAR y RDA ta yegando na un acuerdo pa cuminsa cu e proceso di negociacion pa por logra Aruba Hydrogen Valley.

Den noticia di cas Real, por a tuma nota cu su mahestad Rey Willem Alexander, kende ta apadrina y sostene Hidrogeno, hunto cu Minister di Energia di Hulanda sr. Rob Jetten, a biaha e siman aki pa Spaña unda cu diferente acuerdo a keda firma entre ambos pais. Presente pa Spaña tabata su Mahestad Rey Felipe. Meta di e acuerdonan ta pa hunto realisa e potencial cu ambos pais tin pa exportacion di Hidrogeno pa Europa.

Conforme declaracion di Cas Real: “Tur cos ta indica cu Spaña por bira e proveedor importante pa hidrogeno berde pa Europa.” Hunto cu su Mahestad Rey Felipe di Spaña, Rey Willem Alexander a reuni cu stakeholders Spaño reconociendo e oportunidad unico cu ambos pais tin pa bira pioneronan den produccion y exportacion di Hidrogeno pa Europa.

Y un dje companianan Spaño pionero den produccion di hidrogeno berde ta Acciona Energia. E compania aki tin tur interes di asisti Aruba den su transicion energetico y converti nos isla den e prome Hydrogen Valley den Caribe.

Y durante e encuentro cu su Mahestad Rey Willem Alexander a sostene cu stakeholders energetico Spaño, e compania Acciona Energia tambe tabata presente. E director Energetico di Acciona Energia, Sra Belen Linares, a informa su Mahestad Rey Willem Alexander di e interes cu nan tin den yuda Aruba bira e prome Hydrogen Valley di Caribe.



Minister Glenbert Croes ta orguyoso y satisfecho, cu e caminda aki cu Aruba a scoge pa encamina, awe basicamente ta conta cu ratificacion di su Mahestadnan Rey Willem Alexander y Rey Felipe. Hidrogeno ta e futuro pasobra ademas di un energia limpi cu lo combati cambio climatico, e spin off economico cu Aruba Hydrogen Valley lo tin pa Aruba, lo percura pa diversificacion di nos economia y estabilidad economico pa nos Pais.

Y e vision ta pa finalmente pueblo di Aruba por gosa di un energia limpi, accesibel y pagabel pa un y tur. Pero e vision y meta mas grandi ta pa Aruba bira e exportador pa region.

Minister Glenbert Croes a expresa: “Nos ta gradici su Mahestadnan Rey Willem Alexander y Rey Felipe pa apadrina e proceso di hidrogeno y e transicion energetico no solamente den nan Pais pero pa full Europa y pa tur Paisnan cu kier e cooperacion aki.

Y den cuadro di esaki mi ta sigur cu Aruba lo conta cu nan apoyo tambe”.



Studiantenan di IPA ta presenta proyecto di finalisacion di estudio

Instituto Pedagógico Arubano (IPA) ta invita henter e comunidad di Aruba pa asisti diabierna awo, dia 16 di juni 2023, na e presentacion di e proyectonan di finalisacion di estudio di e studiantenan di aña cuater. Den cuadro di finalisacion di e estudio pa maestro e studiantenan di ultimo fase mester haci un investigacion tocante un tema cu tin di haber cu innovacion y desaroyo den enseñansa. Banda di e investigacion e estudiante mester a desaroya material educativo relaciona cu e tema cu el a profundisa su mes den dje. E investigacion y material desaroya ta pa nan tesina di finalisacion di estudio. Di e investigacion y material aki e estudiante lo duna un presentacion cu ta forma parti di examen final. Den e presentacion e studiantenan ta presenta nan proyecto final na e docentenan di IPA, na famia y tambe na publico en general.

IPA ta invita tur interesado pa bin wak e presentacionnan unda nos studiantenan lo elabora riba e investigacion cu nan a realisa den practica. E presentacionnan lo tuma luga na IPA (Isaac Wagemakerstraat 11, San Nicolas) y ta di 1:30 di atardi pa 6:00 di

atardi.

E temanan di investigacion cu e studiantenan lo presenta ta:

Orario: 13:30 – 14:15

- Cislaine Jansen: Dames en heren, wij gaan digitaal beheren! Een onderzoek naar de digitalisering van de traditionele methode van aardrijkskunde.
- Jouenelin Blanco: Social Emotional Learning met coöperatieve werkvormen? Hoe zou dat zijn!
- Nadine Murray: Actieve participatietijdens de Nederlandse leesvaardigheidslessen door middel van translanguaging en activerende werkvormen.
- Mylainah Maduro: "De betrokkenheid van leerlingen vergroten en gedragsproblemen verminderen: het belang van een positief pedagogisch klimaat in de klas."
- Dillon Willems: Een praktijkgericht onderzoek naar de huidige werksituatie van de "Movicion y Salud" leerkrachten voor het vak bewegingsonderwijs op de basisscholen.

Orario: 14:30 – 15:15

- Kayleigh Esguerra:

Digitale Geletterdheid in het Kleuteronderwijs. Het toepassen van digitale geletterdheid in een kleuterklas.

- Karen Cuaran Castillo: Op zoek naar effectievere planning om de beheersingniveaus van de leerlingen te verbeteren.

- Beverly Rojer: Vakintegratie, gebruik je lestijd nuttig. Voorwaarden om in aanmerking te komen voor een beoordeling. Een praktijkonderzoek over het integreren van de vakgebieden godsdienst en drama/muziek ter verhoging van de betrokkenheid van de leerlingen bij het vakgebied godsdienst.

- Jesseline Berg: De positieve impact van sociaal emotioneel leren op het welzijn van leerlingen van klas 1.

- Laurence Wilming: Gemotiveerde leerlingen tijdens de Nederlandse lessen. Motivatie en actieve deelname verhogen in de eerste klas mavo.

Orario: 15:30 – 16:15

- Marlienne Lyder: Laten we schrijven! Een humanistische benadering van het leren van Nederlands, rekening houdend met onze cultuur.

- Dariene Rodgers: Lezen,



een wereld vol magie. Technisch lezen ondersteunen in klas 1.

- Shanella Hijmering: Positief Gedrag en Veilige Leerklimaat in de Klas

- Whitney Gutierrez: Sociaal Emotioneel Leren. (SEL) Om sociaal problematisch gedrag bij jongetjes in de klas te verminderen.

- Norine Werleman: Stimuleren om ritmische bouwstenen te gebruiken in de klas zodat de kleuters hun cognitieve vaardigheden optimaal kunnen ontwikkelen

Orario: 16:30 – 17:15

- Tarah Ajodhia: Thematisch werken: De sleutel tot verhoogde leeropbrengst en motivatie.

- Criselma Adams: Parental Involvement and its Benefits on Student Achievement

Pa 5:30 tur estudiante lo ricibi e resultado di nan presentacion.

Chauffeur a bay den panico; ora e ta haya un arma di candela den su auto



Santa Cruz - Diamars merdia doño di un vehiculo marca KIA a pidi asistencia di Polis, na momento cu patras den su auto e ta haya un arma di candela.

Esaki a pone e doño bay den "panico", debi cu e no ta hende di problema y no tin problema aparentemente cu niun hende.

Polis cu a yega na e sitio, a pidi pa e otro departamentonan manera recherche y tambe departamento tecnico. E persona a splica Polis si cu e auto su glas no ta cera o sea cu constant e glas ta baha, y posiblemente di e manera ey un hende lo por



a pone eyden.

Autoridad despues di haci un investigacion cortico, a confisca e arma

di candela. No ta conoci ki arma e ta y tampoco e caliber. Un caso cu mester bisa no usual.

Prome Minister Evelyn Wever-Croes: Diahuebs 15 di juni

SINTONISA 'PERIODISTA PA UN DIA' Via TeleAruba y riba pagina di Facebook di Gabinete Wever-Croes



E siguiente atardi di 'Periodista Pa Un Dia' den e di dos edicion di Conferencia Hubenil ta tuma luga diahuebs 15 di juni. Aki, 6 mucha di difente scol y edad, cu desde hopi tempran a registra pa participa, lo haya e oportunidad pa conoce Prome Minister Evelyn Wever-Croes y haci nan preguntanan na Prome Minister den e sala di conferencia di Gobierno di Aruba. Pa nos muchanan cu no ta participa y pueblo en general, por wak

Periodista Pa Un Dia via TeleAruba y riba pagina di Facebook di Gabinete Wever-Croes.

E bunita di e Proyecto aki ta, Prome Minister a expresa, ta cu nos muchanan ta hopi interesa. Esaki por conclui di e preguntanan cu nan ta haci tambe na Prome Minister. Algun pregunta ta senciu y algun un tiki mas dificil, pero Prome Minister ta contesta cada un di nan. E meta di Periodista pa un Dia ta pa nos muchanan



for di un edad hopi young cera conoci cu e trabou di periodismo.

Cada siman, un periodista di TeleAruba ta wordo invita pa asina nan conta e muchanan un tiki di e trabou di periodismo y nan experencianan como periodista, y tambe nan ta prepara e muchanan pa e Conferencia di Prensa Hubenil Live. E

prome periodista invita tawata Andrew Vrolijk, e di dos tawata Patrick Everon y e siman aki señora Alejandra Forero ta esun invita pa guia nos muchanan e atardi aki prome cu nan bay sala di Consejo di Minister pa topa cu Prome Minister. Prome Minister ta gradici tur mayor pa permiti nan yiunan registra pa e programa aki, y e scolnan

tambe pa stimula nos muchanan pa participa. Principalmente, danki na nos muchanan cu tin interes pa ta Periodista pa un Dia. "E muchanan ta sorprende mi den e forma cu nan ta prepara y e interes cu nan tin. Pa mi ta un gran honor y placer di por contribui na e desaroyo di nos muchanan den nos comunidad".

Unidanan di rescate a sali pa señora cu a bira malo den cas y tawata su so

Boliviastraat - Diaranson pasa di 11'or Brandweer, Polis y Ambulance por a wordo mira den Boliviastraat.

E caya tawata blokia, door di e vehiculonan cu a yega na un adres unda un señora lo a bira malo.

Bomberonan lo tawata tin e tarea pa "kibra" e porta pa asina Paramediconan por a drenta.

Despues cu e porta a wordo habri, Paramediconan a drenta mesora pa duna e señora asistencia medico. Na e sitio tawata wordo papia cu e señora probablemente a sufri un ataca di curason, y sea ta biba su so of tawata su so e momento ey.



Te cu luna di mei 2023

AUA Airport a conoce un recuperacion di 104% den trafico di pasahero

Aruba Airport Authority N.V. (AAA) a tuma nota di un publicacion cu varios medio local a publica relaciona cu e desaroyonan positivo den transporte aereo na Aeropuerto di Aruba. Regularmente AAA ta comparti e desaroyonan aki cu su socionan externo den e industria di aeropuerto y di aerolinea. Ainda no a comparti localmente e desaroyonan mas recien cu e stakeholders y prensa local. No obstante, aeropuerto su año 2023 a cuminsa riba bon pia, mirando cu a ricibi mas di 560.000 pasahero den e prome cinco lunanan di e año, esaki ta indica un recuperacion di 104% den comparacion cu e mesun periodo pero di año 2019.

Queen Beatrix International Airport (AUA) ta sigui experiencia un demanda pisa despues di un año 2022 sumamente exitoso. Compara cu e prome cuater lunanan di año 2019, trafico a aumenta cu un 4.2%, indicando un recuperacion di 104%. Durante e periodo ey, AUA a ricibi mas di 20 aerolinea, operando mas di 4.000 vuelo y conectando Aruba na mas cu 30 diferente destinacion.

Tambe por a mira un crecimiento fuerte den AUA su mercadonan clave, particularmente den Norte America y Latino America. E mercado Norte Americano a conoce un aumento di 4.7% den e prome cinco lunanan di año 2023, Merca a conoce un aumento di 3.5% y Canada un 57.3% compara cu año 2019. E mercado Latino Americano ta creciendo riba un bon ritmo, el a alcanza un recuperacion di 101% den comparacion cu año 2019, cu Colombia aumentando un 9% compara cu e mesun period. E cantidad premira di pasahero y movecion di avion cu lo atende cu ne pa e año 2023 ta muestra hopi positivo y prometedor y ta cla pa alcanza un recuperacion di 108% pa año 2023 compara cu año 2019. Esaki lo nifica un crecimiento di 13% compara cu e trafico y pasahero cu a atende cu ne na año 2022.

Cu e desaroyonan positivo aki, AUA ta sigui mira un interes significativo y oportunidad pa expande e mercado actual, asina ta permiti mas desaroyo y diversificacion den e mercadonan.

Merca

American Airlines, AUA su aerolinea di mas grandi, recientemente a anuncia un aumento den su capacidad pa Aruba. Cuminsando na juni di e año aki, e aerolinea lo opera vuelo dobel diario den su ruta Charlotte-Aruba, ta bay aumenta di 1 pa 8 vuelo pa siman pa e ruta di Philadelphia-Aruba, den comparacion cu año 2019. Ademá, e aerolinea lo aumenta servicio den su ruta di Miami-Aruba den luna di september y october, bayendo di vuelo diario pa dobel vuelo diario. JetBlue su di dos aerolinea di mas grandi, a anuncia cu lo regresa cu e ruta di Newark-Aruba, cu ta bay inicia dia 17 di juni di año 2023

y ta bay ta operacional riba diasabra.

Spirit Airlines tambe a confirma un aumento den servicio den su ruta di Fort Lauderdale-Aruba, for di 2 vuelo pa siman riba diaranson y diasabra, pa vuelo diario durante e temporada di winter 2023/2024.

Recientemente, Delta Airlines a anuncia cu lo aumenta su capacidad y operacion di vuelo pa e temporada di winter. Entre e anuncianan aki, e aerolinea a indica cu lo tin un aumento den frecuencia pa Aruba cuminsando januari di año 2024 door di agrega un di dos vuelo diario pa su ruta di Atlanta-Aruba.

Canada

Cu e anuncio di Air Canada, caminda lo reinicia su ruta Toronto-Aruba, Canada tambe lo mira crecimiento na año 2023. Air Canada lo tin tres vuelo pa siman cuminsando november di e año aki. WestJet tambe a anuncia un aumento den frecuencia di vuelo pa e temporada di winter 2023.

Latino America


Aeropuerto di Aruba tambe lo yama bonbini na diferente aerolinea e año aki, un di nan ta LATAM Group, cu e anuncio di vuelo non-stop entre Aruba y Lima, Peru cuminsando na december di e año aki. E servicio lo cuminsa cu un frecuencia di tres vuelo pa siman, opera pa un Airbus 320, cu ta conta cu un capacidad di 174 pasahero (12 premium economy y 162 den economy of cu un Airbus 319 cu ta conta cu un capacidad pa 138 pasahero (12 premium economy y 126 den economy). Lima, Peru ta un destino cu actualmente Aruba no ta provee pero e lo bira AUA su tercer hub Latino Americano conectando e isla cu Brasil, Argentina, Chile, Uruguay y Paraguay.

Recientemente Wingo a confirma cu e lo aumenta su conectividad entre Aruba y Latino America, pa e motibo ey nan a lansa e servicio di Aruba pa Cali, Colombia cuminsando den e luna di juli di año 2023. Esaki ta bira e aerolinea su di tres ciudad na Colombia, Wingo lo opera e rutan di Bogota-Aruba, Medellín-Aruba y Cali-Aruba.

Avianca tambe a aumenta su conectividad entre Colombia y Aruba, door di aumenta e servicio na nos isla di 9 pa 11 vuelo pa siman den su ruta Bogota-Aruba pa e periodo di zomer.

Copa Airlines tambe a anuncia un aumento den e frecuentacion di vuelo pa nos isla, di vuelo diario pa 9 vuelo pa siman den su ruta di Aruba-Panama. Ademá, den luna di december nos isla lo conoce un crecimiento.

“E vuelonan adicional y e rutan nobo lo sigui conecta Aruba cu e destinacionnan internacional, reenforzando asina Aeropuerto di Aruba su compromiso di busca oportunidad nobo y expande su alcance global”, asina Jo-Anne



Meaux-Arends, Aviation Business Development Executive di AAA a duna di conoce.

Pa mas informacion tocante nos vuelonan di luna por subi nos website <https://www.airportaruba.com/flight-schedules>

Tocante AUA Airport

AUA Airport ta un di e aeroportonan mas ocupa den region Caribe cu mas di 22 diferente aerolinea operando pa Aruba contribuyendo na mas cu 2.5 miyon pasahero pa año y cu buelonan pa 22 diferente ciudad 34 diferente destinacion directo rond di mundo. Di e mercadonan u AUA Airport ta sirbi 78% ta for di Merca y Canada, 11% for di Latino America, 6% for di Europa y 4% for di Antia Hulandes te cu luna di mei 2023. AUA Airport ta reconoce cu esaki ta danki na e economia stabiel, clima politico, hospitalidad, poblacion diversifica y siguridad general di nos isla. AUA Airport su aspiracion ta pa bira un aeropuerto sostenibel, sigur y a prueba di futuro, den region Latino Americano & Caribense, brindando un luga di trabou confiabel, facilidad di un aeropuerto moderno y un servicio excelente cu ta e refleja hospitalidad Arubiano, contribuyendo na un futuro prospero pa Aruba.

Conoce mas di loke ta pasando na AUA Airport door di bishita www.airportaruba.com y conecta cu AUA airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport/](https://instagram.com/arubaairport/)
Fecha, 13 di juni, 2023

Embahadora di Colombia a bishita Minister Thijsen

Den Haag – Recientemente Embahadora di Colombia na Hulanda Carolina Olarte Bácares a haci un bishita di cortesía na Minister Plenipotenciario mr. Ady Thijsen.

Durante e combersacion a papia riba e relacion cu ta existi entre Colombia y Aruba, tanto economico como cultural. Tambe cu Colombia ta un mercado turistico masha importante pa Aruba. E relacion entre e pueblonan di Colombia y Aruba ta hopi estrecho, mirando cu hopi Colombiano a bin Aruba pa traha y asina contribui na bienestar di Aruba su economia y tambe ta forma parti di e comunidad Arubiano.

Embahadora Olarte Bácares a indica cu Colombia ta duna hopi bala na e relacion cu Aruba y como pais bisiña ta mira cu por tin cooperacion riba diferente terenonan, manera agricultura y cuida medico.

Carolina Olarte Bácares - prome cu a keda apunta na januari di e aña aki como embahadora di Colombia na Hulanda - tabata agente pa Colombia na e Corte Internacional di Husticia. Tambe e tabata decano y profesora asocia di ley na Pontificia Universidad Javeriana na Bogota y a logra su doctorado den Ley Internacional na Universidad Sorbonne na

Paris, Francia.

Embahadora Olarte Bácares ta miembro di e Editorial Board of the Brazilian Journal of International Law y tambe di e Anuario

Iberoamericano sobre Derecho Internacional Humanitario.

Nota pa redaccion: E potret ta cortesía di Arubahuis



DIASABRA 29 JULY 2023

FUNDRAISING BINGO

SV ESTRELLA 75 ANIVERSARIO

CARD PRICE FL.10,= | HOUR 7:00 PM

1 100,=	4 150,=	7 250,=
2 100,=	5 200,=	8 300,=
3 150,=	6 250,=	9 500,=

2000,=

#NARANHADA
SV ESTRELLA FUNDA 1948

**LIVE : CANAL 22/ RADIO TOP FM 95.1/
FACEBOOK PAGE & YOUTUBE CHANNEL CARIBBEAN BINGO**

Caribbean BINGO

Minister di Cultura Xiomara Maduro

NOS STUDIAANTENAN A DEMOSTRA TALENTO DURANTE COMPETENCIA DI BAILE DEPORTIVO Y CULTURAL ESCOLAR 2023

Danki y Pabien na tur scol participante y ganador



Diasabra ultimo Minister di Cultura Xiomara Maduro tabata presente na e Competencia di Baile Deportivo y Cultural di Weganan Escolar We Aruba cu a tuma lugar na Aruba Entertainment Center na Dakota. Un publico grandi di nos muchanan di scol hunto cu mayornan y demas publico a presenta un bunita competencia di talento y coreografia di bailenan cultural y moderno entre diferente scol.

Minister Xiomara Maduro di Cultura a hiba palabra na un y tur presente y a trece dilanti cu pa su persona ta un honor di por ta presente pa dirigi palabra na un evento special caminda nos muchanan di scol ta demostra nan talento den baile, despues cu dos siman largo scolnan a bataya den competencia deportivo di Weganan Escolar 2023. Esaki ta e di dos competencia di Baile Deportivo y Cultural di Weganan Escolar, aña pasa esaki a tuma

lugar den Cas di Cultura, cual a resulta un exito grandi, un Cas di Cultura completamente yen y hasta un cantidad di persona mester a keda pafo pasobra no tabata tin mas espacio. Mirando esaki a dicidi di haci esaki den un espacio mas grandi y brinda oportunidad pa mas persona por disfruta di esaki y apoya nos talentonan escolar. E mandatario a expresa cu como Minister di Cultura e ta hopi contento y orguyoso di mira nos muchanan participa den competencia cultural, den e caso aki baile, asina demostrando nan aprecio pa locual ta e cultura di nos país, pero tambe caminda nan ta presenta nan talento den baile moderno.

E aña aki un total di mas di 10 scol a participa caminda tabata tin representacion di scolnan special, preparatorio, basico y avansa presentando nan show di baile cu un coreografia prepara



especialmente pa e competencia aki. Minister Maduro a desea tur scol, - participante, -docente y dirigente di baile hopi exito. Como tambe e cuerpo di hurado cu nan gran responsabilidad.

Tabata tin un bunita programa prepara cu presentacion di grupo Tipico, Grupo di Baile y nos artistanan na unda tur esnan presente por a disfruta di esaki. No por a keda sin falta e tentnan cu a ofrece nos dushi cuminda, boca dushi y artesanía local.

Pa Minister Maduro e evento aki a mostra e union di talentonan



di nos scolnan caminda nos hobenann ta bini hunto y a ta competi sanamente. Minister di Cultura a gradici su colega Minister di Enseñansa y Deporte Endy Croes, tur departamentonan di Gobierno, IBISA, Departamento di Cultura, CCDN, Comision encarga cu e organisacion di Weganan Escolar 2023 y boluntarionan cu a yuda pa por a haci e competencia di Baile Deportivo y Cultural Escolar 2023 un exito grandi. Danki na tur scol y alumnonan cu a participa y especialmente e scolnan ganador. Masha danki pa biba nos Cultura.

De ken y portátil ta? Cu tabata horta polis señal de radio?

Polis Voz tin 3 luna cera, y ta wordo sospecha di varios cargo, varios asuntosnan o delitonan cu e lo tin algo di haber. Ta ser bisa tambe cu e tin di haber cu traficacion di hende ilegal, cu na un of another forma e tabata tin algo di haci cu hendenan ilegal.

Sinemabrgo now a drenta su cas, a haya varios laptop conecta. Un centro de comunicación sofisticado. Y laptopnan a wordo confiscar ya wordo investigar. Segun SOLO DI PUEBLO

a compronde, e laptopnan ta bek na Aruba y awor e investigacion lo sigui. E caso aki lo bay haya un rabo largo, pasobra na un way ilegal tabata tap af conversation di polis, unda cierto prensanan 'promer den noticia' tabata letterlijk yega prome cu polis pa cumenza bay live.

E caso aki nunca lo por bay den doofpot, maske cu algun persona y algun prensa ta haciendo todo por todo pa roga Ministerio

Publico pa para e investigacion y pa saca e polis den libertad. Esey sigur lo no bay asina facil. E polis lo sali sigur cu si, pero ora cu e investigacion fini. Djey lo determine su rol y djey lo mester dicidi si ta sigui caminda pa huez of ta cera e caso.

Pa awor, SOLO DE PUEBLO a compronde cu awor e caso lo bay sigui lora. Asina ta ban keda pendiente pe investigacion.

MINISTER ENDY CROES A BISHITA E EXITOSO JOB FAIR 2023



cu a ofrece 400 cupo di trabou. Scolnan a asisti parti mainta y despues pueblo di Aruba por a bishita e Job Fair. E personanan cu a bishita Job Fair por a colecta informacion y scoge e trabou cu mas ta pas cu ne.



Bishitando e Job Fair sigur tabata un manera perfecto pa conoce e posicionnan di trabou disponibel y por a papia directamente cu e representante di e compania. Gianni's Group y Aruba Wine & Dine ta e dos companianan mas grandi den "food & beverage" na Aruba. Openbare Avondleergangen Aruba (OAA) tambe tabata presente na e Job Fair. OAA den colaboracion cu AF&BA por brinda estudionan pa prepara y educa esnan cu ta interesa pa mercado laboral den e sector "food and beverage".



Concluyendo, Minister Endy Croes a enfatisa cu e Job Fair ta un bunita iniciativa y bon organisa. Palabranan di pabien na AF&BA y tur e companianan cu a participa.



: Diamars mainta, Minister Endy Croes a bishita Job Fair 2023 organisa pa Aruba Food & Beverage Association (AF&BA). Na Job Fair tabatin alrededor di 50 restaurant y bar presente

Parlamentario Alvin Molina (MEP):

WEGANAN ESCOLAR, un bon manera pa promove siguridad na Aruba



Mucha- y hobennan cu ta practica deporte ta siña disciplina, traha den ekipo y inverti den nan futuro. Mucha- y hobennan cu ta practica deporte tin menos tempo y menos interes pa haci cos malo of comete actonan penal. Deporte ta un bon manera pa motiva muchanan pa construi un futuro positivo y ta yuda preveni pa nan bai den mal caminda.


Dos siman di competencia escolar a culmina diabierna ultimo, na Joe Lavesit Sport Park. Un total di 45 scol y alrededor di 1000 alumno di scol preparatorio, basico y secundario di Aruba a enfrenta otro den un competencia amistoso den shete diferente disciplina. Mi tabatin e honor di entrega premio na ganadonan di Weganan Escolar 2023. Mita aplaudi y sostiene proyectonan deportivo, paso mi ta kere firmemente cu si inverti den deporte, bo ta

invirtiend den siguridad di nos pais. Masha pabien na e

alumno- y scolnan cu a participa y na esnan cu a sali ganado. Mi ta felicita Minister Endy Croes,

Ministerio di Enseñansa y Deporte y IBiSA pa haci e proyecto aki posibel pa nos mucha- y hobennan.

Sigur nos por mira atras riba un exitoso di Weganan Escolar 2023.

<div><div>OPENBAAR MINISTERIE ARUBA</div></div>		
Corte di Prome Instancia 15 juni 2023		
Horario	Sospechoso	Acto Castigabel
08.30	J.R.R. G.G.G.O. M.G.J.M.	E sospechosonan aki ta wordo acusa di falsificacion, estafa y maluso di funcion entre mei 2021 y 30 di oktober 2021. R. ta wordo ademas acusa di posesion di cocaina y marihuana den e mes periodo ey.
14.00	C.R.W. G.B. R.D.	Pro forma. W. ta wordo acusa di intento di asesinato di un persona riba 19 di februari 2023, dor di los varios tiro riba dje cu un arma di candela. W. y B. y D. ta wordo acusa di poseison di un revolver y balanan riba e mes dia aki.
14.00	R.D.I.	Pro forma. I. ta wordo acusa di intento di homicidio di un persona riba 22 di februari 2023, dor di hinke cu un cuchio varios biaha den pecho.
14.00	J.J.H.U.	Pro forma. H.U. ta wordo acusa di violacion di un persona riba 16 di januari 2023.
14.00	J.H.Q.Q. (cu ta yama su mes tambe H.J.G.C.)	Pro forma. Q.Q. ta wordo acusa di posesion di un arma di candela den e periodo di 7 di oktober 2022 te 26 februari 2023.

Minister Glenbert Croes

ARUBA CANANDO E CAMINDA DI ENERGIA LIMPI DEN NOS TURISMO CRUCERO

Mardi Gras su motornan ta traha riba "LNG" cu ta un sistema limpi pa nos medio ambiente



ORANJESTAD - Diamars mainta, a drenta Aruba e barco crucero Mardi Gras, cu ta un mega crucero cu

ta pertenece na e cadena di Carnival Cruise Lines. Loke ta remarcabel ta, cu e crucero aki su motornan

ta traha riba "LNG" – Liquid Natural Gas, cu ta un sistema limpi pa nos medio ambiente. Esaki sigur,

ta duna un sentimento di gratificacion na Minister Glenbert Croes, mirando cu su vision desde inicio di su carera como Minister di Energia, ta pa logra pa Aruba opera a base di energia limpi.

Nos Minister President di Aruba, Evelyn Wever Croes durante cu e tabata e Minister encarga cu Energia a cana full un proceso habri y transparente pa finalmente por a yega na e National Energy Policy oficial di Pais Aruba. Minister Glenbert Croes na su turno, honrando e National Energy Policy, a traha incansabel, reuniendo cu varios compañan internacional, pa asina logra comberti Aruba den e prome pais den e region Caribense pa opera a base di energia limpi. A logra yega na un acuerdo cu Eagle LNG pa cuminsa cu e proceso di transicion di "HFO" pa "LNG", cual lo ta di gran beneficio pa pais Aruba, mirando cu na momento cu transiciona riba LNG, prijsnan di combustibel, awa y cori-

ente lo baha inmediatamente. Tambe lo exporta parti di e LNG cu lo genera mas divisa y desaroyo economico pa Aruba.

Pa loke ta turismo crucero ta importante pa remarca cu varios barconan ta cambiando uzo di diesel pa "LNG". Y Aruba por bira un puerto unda cu cruceronan por 'refuel' e barco cu LNG.

Minister Croes ta satisfecho cu tur e desaroyonan cu tin andando pa loke ta e transicion di "HFO" pa "LNG" ya cu cada logro pa comberti Aruba, den un pais cu ta opera a base di energia limpi, ta un logro mas pa e lucha na bienestar di e comunidad y su medio ambiente.

Minister Croes ta felicita Minister di Turismo Dangui Oduber cu su maneho exitoso.

Den union y positivismo, nos ta logrando cosnan grandi pa Aruba su recuperacion economico di cual turismo ta e factor mas importante pa nos por logra esaki pa nos Pais.

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com



Entrega tur dia te den bo port'i cas

Noord Taekwondo Center su team ta cla pa Aracari Taekwondo Cup



Master Melvin Rasmijn, Master Yoshmar Wever, Master Miguel Genser y Maurichs Croes di Noord Taekwondo Center su team ta train mas duro pa Aracari Taekwondo Cup. Nan ta pone hopi atencion ariba e preparacion pa dia 24 di Juni den Centro di Barrio Brazil.

E team di Noord Taekwondo Center a bira mas grandi despues di Cas Bon Taekwondo Cup.

Algun atleta cu no a subi e podium a haci cu e gana pa participa ta hopi mas grandi. E team di Noord Taekwondo Center tin hopi sed pa bringa.

Shenille "Dudy" Perez kende a perde den Cas Bon Taekwondo Cup a cuminsa train mas duro y ta pidi un revancha. Shenille "Dudy" Perez kier gana den Aracari Taekwondo Cup pa segura

su luga den Best of the Best Truescore Aruba Series. Noord Taekwondo Center no solamente a bira mas grandi, pero a bira e luga den area di Noord y hopi mayor ta hiba nan muchanan.

Master Miquel Genzer y Master Yoshmar Wever ta premira cu Noord Taekwondo Center ta bay cu e Copa di Aracari Taekwondo Cup.

Mayornan di Noord Tae-



kwondo Center a manda un mensahe pa e directiva di Brazil Taekwondo Stichting

pa yena e cushina, pasobra nan ta bin pa come turcos y bay cu e Copa.

Periodistanan ansha a crea tur sorto di speculacion riba e quebrante di salud di Parlamentario Setty Yarsagaray

Recientemente parlamentario Setty Yarasagaray ta sufriendo un quebrante di salud pa cual el'a busca atencion medico y mester a keda hospitalisa.

Mas cu claro esaki ta un asunto stricamente personal di e parlamentario pa cual den e dianan nos dilanti, sigur e lo recupera. E hecho cu e parlamentario a bira malo, tabata motibo pa crea tur sorto di redo y speculacion. Oponentenan cu ta ansha pa

poder lamentablemente no ta ni respeta mas e situacion personal di un parlamentario, cu ya nan a cuminsa specula riba asuntonan di politica.

Den nan vista, ya caba Gobierno a cay, pasobra no tin sosten mas di 11 asiento. Que locura! Ta demasiado tempran pa por saca cualkier conclusion y mas aun Sra. Setty lo bay ta recuperando y pronto e lo por sigui haci su trabao.

Si encaso mes cu Sra. Setty no por cumpli cu su trabao na parlamento, no ta motibo pa otro coleganan, maske opositor, nenga di duna cooperacion den un caso asina. Pues ta realmente demasiado tempran pa cuminsa cu tur sorto di teoria.

For di aki, SOLO DI PUEBLO ta extende su palabranan di pronto recuperacion pa Parlamentario Setty Yarsagaray.



TAXI BOYS LO ENFRENTA SNOR DEN BATAYA DI DOMINO!



Calabas/Kudawecha - Captain Saladin 'himself' a pas duna Snor Perez e 'voorboor' ta ki ta bay spera Snor den e bataya di 'deskite' diahuebs awor cuminsando pa 8'or di anochi n'e unico y mundi-

almente reconoci Domino Square Garden aya na Calabas / Kudawecha. Shonnan, un berdadero sambom-baso di wega lo bay tin! Aña pasa Team Snor a rancasali c'un tremendo victoria riba Taxi Boys, pero

right back Captain Saladin ta haci un come back y empatata e serie na 1 - 1!

Despues di esey aparentemente a drenta un epoca di 'negociacion' pisa entre dos ekiponan pa determina ki fecha lo pone p'e bataya di 'deskite'. Wel, señores, e ora 'zero' a yega! Diahuebs awor pa 8'or di anochi, un biaha mas Calabas, Kudawecha, y resto di Noord lo tembla bou batimento di piedra ora e dos ekiponan aki enfrenta otro manera dos tor den un cura!

Como di custumber, en-



trada ta completamente gratis pa un y tur, y half-time doño di establecimiento 'in ipso carne' lo parti pasapalo totalmente por nada! Ken lo 'draw first blood' den aña 2023? Cua ekipo lo bay dilanti den e serie? Snor of Taxi Boys?

Te hasta e website 'BinBet.com' no por duna odds!

Bini un bini tur presencia e anochi aki di un sambom-baso total den domino aya n'e unico y mundialmente famoso Domino Square Garden! Yega!

Minister Maduro ta informa cu durante reunion na Bogota, Colombia REPRESENTANTE DI ARUBA DR. MARCK ODUBER NOMBRA COMO PRESIDENT DI COMITE DI DIRECTIVA DI IOCARIBE IOC-UNESCO

Cu apoyo di Ministerio di Finansa y Cultura, e representante di Ciencia di e secretariado di e Comision Nacional di UNESCO pa Aruba, dr. Marck Oduber, a logra atende e sesion intergubernamental di e sub comision pa Caribe y teritorionan cercano (IOCARIBE) na Bogota Colombia for di mei 9 te cu mei 11 2023, incluyendo e conferencia internacional di ciencia maritimo.

Durante e reunion, delegadonan di e pais-nan miembro a eligi un hunta di directiva nobo. E directiva di e comite nobo ta consiti di presidente dr. Marck Oduber (Aruba/Reinado Hulandes), vice presidente dr. John Cortinas (Merca), 2o vice presidente dr. Roberto Dantas de Pinho (Brazil), 3o vice presidente dr. Soraya Silva (Venezuela). Pa ta un candidato pa e posicionan den e comite di directiva di IOCARIBE e persona mester tin un nivel academico halto den ciencia natural, conocimiento amplio di e ciencia oceanico,

IOCARIBE su programan regional y IOC-UNESCO su programanan global.

IOC (Comision Oceanografico Intergubernamental) di UNESCO ta e instancia di Nacionan Uni encarga di apoya ciencia y servicionan oceanico riba nivel mundial. IOCARIBE ta e representacion di IOC pa regio cu ta inclui, Merca te Brazil. IOCARIBE ta responsable pa promocion, desaroyo y coordinacion di IOC su programanan di ciencia maritimo, y otro actividadnan relata cu lama, y desaroyo di capacidad pa e region Caribense y paisnan cercano.

Durante e reunionnan na Colombia a repasa e progresonan principal di e periodo 2021 pa 2023 i a fiha e plan strategico pa 2023-2029.

E temanan principal tabata inclui:

Prioritisa un plan regional di ciencia maritimo den cuadro di prioridadnan di e decada di ciencia desaroyo sostenibel. Lo focus ariba e impac-



tonan maritimo den e regio, cu ta inclui sargassum, algan peligruso, tempestadnan di tempo cu nan efecto maritimo, y aumento di nivel di lama. Fortalece e vision di IOC-UNESCO pa apoya paisnan regional pa un economia oceanico sostenible dor di maximalisa e beneficiacion di ciencia oceanico. Invulcra den un forma mas estrecho cu interesadonan y/o usuarionan, en especial e sector turistico dor cu nan ta hasi hopi uso di datos maritimo y informacion di ciencia maritimo. Adicionalmente lo invulcra mas hoben y/o

academiconan hoben den ramo di lama via beca y/o intership. Lo asisti paisnan regional den establece infraestructura, y conocimiento den aplica principionan di FAIR y CARE durante uso y intercambio di datos maritimo. Lo activa bek e programa IOCARIBE-GOOS cu lo enfoca riba observacionan y pronostico-nan regional pa lama incluyendo capacitacion di e expertonan den e ramo aki.

E decada di ciencia oceanico pa un desaroyo sostenibel lo continua te cu 2030 y ta keda un prioridad den IOCARIBE

su maneho. E decada su idea ta pa logra cu ciencia maritimo ta di un nivel debido pa asina por informa debidamente interesadonan, y politiconan pa nan por tuma accion eficiente pa cu un maneho duradero relata na actividadnan di lama.

Minister di Finansa y Cultura ta felicita sr. Oduber cu e nominacion aki cu normalmente ta bay pa paisnan grandi. E mandatario di Finansa y Cultura lo sigui apoya UNESCO Aruba cu su programanan di ciencia natural y di IOC-UNESCO.

Bonaire Human Rights honra ku galardon pa Caribbean Studies Association Konferensia: Transformando Nos Karibe



Un delegashon di Boneiru a partisipa na e Konferensia di Asosashon di Estudionan Karibense 2023 di 5 pa 9 di Juni na St Croix, Islanan Virgines Estados Unidos. Esaki tabata un evento historiko ya ku ta pa prome biaha e isla di Boneiru a wordu representa. Nos team di Bonaire Human Rights representa pa Davika Bissessar Shaw I James Finies di Nos Kier Boneiru Bek a hasi presentashon I a papia na nomber di pueblo di Boneiru I e organisashonnan BHRO, NKBB I Movemento Pa Kambio.

Asosashon di Estudionan Karibense (CSA) ta un organisashon independiente profeshonal dedika na promoshon di estudionan Karibense desde un punto di bista multi-disiplinario I multi-kultural. E ta e prinsipal asosashon di akademikonan I profeshonalnan trahando den Region di Karibe, inkluyendo

Amerika Sentral I e kosta Karibense di Sur Amerika. E fundadornan di CSA ta Dr Simon B Jones- Hendrickson (bibando na St Croix) I Dr Roland I Peruse (qepd). Nan liderazgo a enkurasha I motiva interes pa mas ku 300 Karibenjos pa formalmente djoin huntu I krea i funda na 1974 e Konferensia anual di CSA. E konferensia CSA 2023 St Croix ku e tema e anja aki: Transformando Nos Karibe ta marka e di 49 aniversario I awor tin mas ku 1100 miembro. E konferensia kada anja ta wordu organisa den un diferente pais. E anja aki ta pa prome biaha den 47 anja ku e eksepsional konferensia a wordu tene na e Universidat di Islanan Virgines Ay Ay St Croix bao di firme liderazgo di distinguido Dra Chenzira Kahina Davis, presidente di e Asosashon di Estudionan Karibense. E delegashon Boneriano tabata tin un



tempo hopi fruktifero I produktivo eksponiendo e desigualdat sosial di Boneiru debi na numeroso violashonnan di derechonnan humano di parti di Hulanda. E delegashon Boneriano un biaha mas a pusha I stimula konsiensia mundial riba akshonnan severo inhumano di gobierno Hulandes, manera maneho di migrashon habri pa migrashon masaal di Hulandesnan ku tambe por vota den 90 dia despues di nan yegada, kreando un fenomeno di “Settlers Colonialism” o kolonialismo di pobla den siglo 21, depopulando I desplaza e Bonerianonan hasi nan minoria riba nos mes isla. Degradando nos hefenan lokal di departamentonan I remplazanan ku Hulandesnan Oropeo importa – enfatisando ku desde e disolushon di Antia Hulandes ku mas di 50% di e poblashon a wordu pusha bao di linja di pobreza ets. E hechonan aki a wordu presenta na mundo durante e evento tan espera pa kual a hanja sosten di e audiensa global. Sr Finies a partisipa den diskushon di panel riba “Dekolonisashon den Karibe”. E plenario riba Edukashon Sustenibel pa Projekto di Estudionan di Dependensia: “Kolonialokrasianan Karibense”: E prematuridat di Post-Kolonialidat – tabata forma pa distinguido oradonan di Islanan Virgines Britaniko, Guyana Franses, St Maarten I Boneiru ku a wordu presidi pa Dr Carlyle Corbin, Eksperto di Nashonan Uni riba Deskolonisashon. E sinku(5) dianan di plenaria tabata hopi edukativo

pa e delegashon Boneriano I a wordu kompleta pa un bunita nochi di gala den kas di gobernado. E honorabel gobernado di St Croix, Albert Bryan Jr I e presidente di Asosashon di Estudionan Karibense Dra Chenzira Davis Kahina a invita e delegashon di Boneiru pa atende e sena I seremonia di Sere I Galardon di e Asosashon di Estudionan Karibense.

Nos tabata hopi emoshona I entretene pa nos anfitriona Dra Chenzira Davis Kahina I Asosashon di Estudionan Karibense I e hendenan di St Croix presentando nan bunita isla I kultura uniko, hospitalidat I maravillanan natural ku tur esnan na e siman di Estudionan Karibense.

Tabata un oportunidat inkreibel pa konekta ku lidernan, akademikonan I hendenan di tur parti di mundu. Boneiru a destaka I a hanja atenshon I eksposishon den Karibe I mundial ora ku Bonaire Human Rights Organization a risibi galardon di Asosashon di Estudionan Karibense komo rekonosemento pa abogasia I trabaonan den defensa di derechonnan humano di e pueblo Boneriano I pueblonan Karibense na Nashonan Uni I plataformanan internashonal. Nos ta agradesido na nos anfitriona presidente di Asosashon di Estudionan Karibense Dra Chenzira Davis Kahina di e Universidat di Islanan Virgines I gobernador Albert Bryan Jr pa nan kolaborashon I sosten solido I resolutivo ku a hasi nos partisipashon un eksito.

Prome Minister Evelyn Wever-Croes:

PROME MINISTER A BISHITA EDUCAMPUS PA ADMIRA E PROYECTO INNOVATIVO CU NAN A GANA CU E PROYECTO DI EDUTECH

ORANJESTAD - Diaranson mainta, Prome Minister Evelyn Wever-Croes a bishita Educampus, cu ta un otro scol cu a gana e proyecto di Edutech. Educampus compara cu otro scolnan na Aruba, tin un otro sistema di duna les pa prepara e muchanan den enseñansa. Nan ta traha cu un sistema hopi innovativo basa riba e sitsema mericano cu cierto "aansluiting" na e sistema hulandes. Tin hopi interes di parti di alumnonan pa drenta e scol aki, pero debi na capacidad limita, tin un lista di espera basta largo.

Educampus a inscribi na e proyecto di Edutech pa asina logra yega na un "makerspace", cu ta un container cu nan lo cambia y na unda nan lo trece tur e "tools" nan digital cu mester. Esaki sigur ta di gran beneficio pa e muchanan, mirando cu e lo stimula nan pa pensa na un forma innovativo. Mirando e avansenan den e mundo digital, nos no sa kico lo ta e trabounan cu lo tin mayan pa e futuro generacion. P'esey ta importante pa bin cu proyectonan asina, cu lo duna nos muchanan e habilidadnan necesario pa nan por ta exitoso mayan.

Prome Minister ta felicita Educampus cu e proyecto importante y bunita aki, y a gradici nan pa e confiansa den e proyecto di EduTech. Pa haci e proyecto di in-



novacion aki posibel, Gobierno a aloca un suma di 400 mil florin, cu lo wordo dividi den 4 tranche. Pa e prome dos tranchenan, un total di 15 scol a inscribi di cual 6 a wordo eligi. Pa e scolnan aki un total di 200 mil florin a wordo aloca. Pa e di tres tranche, a inscribi 10 scol y e huradonan ta den

proceso pa wak cua ta e scolnan ganador pa e 100 mil florin aki. Pa e di e cuater y ultimo tranche pa e aña aki, inscripcion ta cera e luna aki, pues ainda tin oportunidad pa scolnan participa.

"Mi ta extende un invitacion na tur e scolnan na Aruba pa bin cu

un proyecto innovativo, inscribi esaki y wak asina si bo scol por bira ganador pa ricibi fondo pa e proyecto innovativo desea. Danki na tur scol cu a participa caba na e proyecto aki, y danki na Futura cu a traha duro pa haci esaki posibel" Prome Minister a expresa.



NA E PERSONA CU A PERDE TUR SENTIDO DI PIKA

Ta con bo ta purba di muestra bo cara, pero tur hende sa ta ken bo ta.

anto tog bo no kier a cambia bo bida pa Dios.

Bo a haci bo mes den publicidad y bo ta kere cu tur hende ta bobo. Ta con un ciego por guia otro hende? Ta kiko hende tin di haber cu persona cu a mancha su mes den diferente errornan y pikanan? Ta kiko hende tin di haber cu persona cu ta den scuridad y ta meti den bruheria, den adulterio cu otro persona, den ganjamento, den falsedad y den kibramento di matrimonio y famia? Bo no por ta cu Dios y alavez bo ta cu satanas.

Unabes cu bo ta consulta cu bruheria, den tarot, den pone bela, haci peticion, pidi malo pa otro etc., bo ta wordo posei y e spiritonan diabolico ta keda cu bo.

Den Bijbel 1 Corinthionan 6: 9 y 10 ta bisa, cu esnan cu ta haci sex den adulterio cu otro persona, esnan kibradornan di matrimonio, esnan cu ta consulta den bruheria, e ganjadornan, lanta falso testimonio etc., ningun di nan no ta drenta den Reino di Dios, nan destino ta den candela di fierno.

Cu tanto consehonan y spiertamentonan,

Den bo pasado y presente, bo ta anda cu hendenan robes den bida, nan a duna bo mal conseho y nan a pone bo cay den trampanan.



Tur loke ta wordo haci den scuridad, ta wordo proclama den claridad. Si un hende no ta reacciona di loke e ta haciendo sea, den relacion di adulterio, den consulta cu bruheria, den tarot, den ganjamento, den falsedad, den kibradornan di matrimonio y famia, den abusa den ranka plaka di otro etc., anto e persona ey a perde tur sentido di pika. Bijbel 2 Corinthionan 6: 14-16; “No uni boso mes cu hende cu no ta kere. Kiko husticia tin di haci cu maldad? Kiko lus tin di haci cu scuridad? No por tin harmonia entre Cristo cu satanas.

Kiko un creyente tin di haber cu un incredulo?” Akinan Dios ta bisa, no anda y no sea complice cu hendenan den maldad y den perdicion.

Tur loke cu no ta di Dios, ta caba na nada.














Un mensahero di Dios.



 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 14 Juni 2023 Merdia</div>		
 <div>Sorteo # 3941 1078 5284 8369</div>	 <div>Sorteo # 0 x Jackpot 0 x Match 4+ 0 x Match 4 0 x Afl. 12,00</div>	<div>Joker Letter Proximo Jackpot 190.000,-</div>
 <div>Sorteo # 3941 6790</div>	 <div>Sorteo # 0 x Jackpot 0 x Match 4 0 x Afl. 8,00</div>	<div>Proximo Jackpot 53.000,-</div>
 <div>Sorteo # 1997 5908</div>	 <div>Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	<div>Mega Ball: Proximo Jackpot 300.000,-</div>
 <div>Sorteo # 3941 0216 Aquario</div>	 <div>Afl. 400.000,-</div>	
 <div>Sorteo # 815 268</div>	 <div>Sorteo #</div>	
 <div>FP</div>		



		1	2			6		
	7				9	6		4
	6	8			5	4		2
7	5				4			2
	9			6	8		7	5
8		6	7				9	3
			5	1	9		8	6
1		9			2			
	2	5						9

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 13 Jun 2023 Anochi</div>		
 <div>Sorteo # 7964 4431 2793 0273</div>	 <div>Sorteo # 0 x Jackpot 0 x Match 4+ 0 x Match 4 0 x Afl. 12,00</div>	<div>Joker Letter Proximo Jackpot 190.000,-</div>
 <div>Sorteo # 7008 3604</div>	 <div>Sorteo # 6146 0 x Jackpot 5 x Match 4 162 x Afl. 8,00</div>	<div>06-07-10-12-26 Proximo Jackpot 53.000,-</div>
 <div>Sorteo # 1713 2819</div>	 <div>Sorteo # 1567 0 x Jackpot 0 x match 4 5 x Afl. 500,00 25 x Afl. 50,00 58 x Afl. 15,00</div>	<div>01-06-16-30 Mega Ball 12 Proximo Jackpot 300.000,-</div>
 <div>Sorteo # 5767 0699 Leo</div>	 <div>Afl. 400.000,-</div>	
 <div>Sorteo # 697 956</div>	 <div>Sorteo #</div>	
 <div>X5</div>		